

HAZ.  
1818

8

8

BIBL. NAZ.  
VIT. E. MANUEL F. III

148

N

28



101

34

*Eno, & Rno Principi*  
S.R.E. CARDINALI AMPLISSIMO  
**CAMILLO**  
**DE CYBO**

EJUSQUE CELSISSIMÆ FAMILIÆ  
*PANEGTRICVS*  
A  
**BALTHASARRE STORACIO**

Presbytero, & Jurisconsulto. Neapolitano  
in Romana Curia Causarum Patrono  
DICTUS.



ROMÆ Excudebat Rocchus Bernabò MDCCXXXI.

*PUBLICA AUCTORITATE.*



**I M P R I M A T U R ,**

Si videbitur Reverendissimo P. Sac. Palatii Apostolici Magistro .

*N. Baccarius Episc. Bojanen. Vicesgerens .*

---

**I M P R I M A T U R .**

Fr. Jo: Benedictus Zuanelli Ordinis Prædicatorum  
Sac. Palatii Apostolici Magister .



UAMQUAM sæpe numero cogitanti mihi, Princeps Eminentissime, ac memoria repententi mirabilem illum naturalium rerum ordinem, multa planè occurrerent, quæ Dei Optimi Maximi Sapientiam ostenderent, commendarent; nihil tamen mirabilius esse duxi, aut quod majori studio Philosophorum perscrutatio profecuta est, quam potentissima illa Virtuti insita Vis, & prope dicam, auctoritas, ut cæteris rebus om-

(IV. )

nibus senectute, interituque ipso collabentibus, numquam verò virtutis, ac Sapientiæ jacta semina dispersa, obducta, deleta esse videantur. Ea enim vel longevæ annorum diuturnitati subiecta sint, vel perditorum aliquando injuria, fraude, iniquitate circumducta caligine, at repente velut è tenebris erumpentia, tanta postmodum firmitate cohærere solent, ut quantum diuturnitas temporum detraxerit, tantumdem laudibus attulerit. Sicuti aggestis cineribus non ita flamma sopitur, quin scintillarum excussu aliquando educatur; Nec camporum ubertas aquarum, aut turbinum tempestate omni viriditatis honore exciso squalet, quin aliquos fructus pristinae fecunditatis efferre conspiciatur. Nihil est autem opere aut manu factum, aut hominum artificio, ingenioque elaboratum, quod aliquando non conficiat, aut consumat vetustas: Verùm quæ maximis rebus destinavit præpotens ille rerum,  
om.



( V. )

omnium Moderator Deus , & quotidie  
velut exurgere , & magis magisq. flore-  
scere animadvertimus. Quippè Afsyrio-  
rum , Persarum , atque Græcorum Impe-  
rii non gloria modò , quàm memoria  
ipsa obsoleta , ac penitùs extincta ; Ro-  
manæ postmodum Dominationis Maje-  
stas , quæ a Tyrrheno Mari usque ad  
uitimum Pontum , & à Scythicis nivibus  
ad australes usque æstus domitâ Africaë ,  
Asiaëque Tyrannide Imperium Terra ,  
marique produxit , non ita porrò Barba-  
rorum immanitate mancipium effecta ,  
quin simulac aliquod lucis secunda tem-  
pora ostendere visa sint , pristina tandem  
libertate postliminiò recuperata , suorum  
virtutem ac gloriam velut ab interitu  
revocaverit , denuò extulerit , atque ja-  
ctaverit . Neque verò cum ulla ferè Sa-  
pienti , egregiaque Gente ita inique  
actum est unquam , ut adversæ licèt res ,  
vel diuturna annorum series priscum il-  
lius splendorem præfocaverit ; nihil pro-  
fectò

( VI. )

fectò minus; sed cum insita virtuti potestas è latebris identidem proferens, clarius inde edere, ac restituere conetur.

Quod quidem Divinæ Sapientiæ argumentum, cum aliis manifestum fieri intelligamus, in Te tamen, Regiaque Gente Tua ita manifestatum est, ut nunquam majoribus, aut illustrioribus argumentis, aut illustratum esse, aut in posterum illustrari posse videatur. Summo enim immortalis Dei Optimi Maximi beneficio comparatum esse arbitrati sunt universi, ut post tot tantasque Sæculorum vices, bellorum tumultus, Regnorum, ac Provinciarum vastitates, teterimamque hominum perniciem; Gens Celsissima de Cybo tot planè innumeros perpetuò protulerit egregiorum facinororum testes, Majores Tuos, quot ubique ferè Gentium monumentis æternis consignata Historicorum memoria manifestavit. Ut aptius certè malim Gentem Tuam Olympo illi æquiparare, quem  
fabu-

( VII. )

fabulosa Poetarum grandiloquentia tam alte exaggeravit, ut ad cacumen illius-venti, tempestatesque non pervenirent. Adeo nihil à primævo statu, nihil à dignitate sua eam discessisse constat; Cum vel offensiones Principum Virorum intentarentur, vel quorumlibet periculorum metus ingruerent. Neque absre factum intelligimus, ut Majorum Tuorum exempla firmissima numquam delerentur, in quibus omnis ferè vertitur rerum- publicarum Virtus, leges nimirum, quibus fracta perditorum hominum impudentia, publica tranquillitas foveretur, religio, qua Divina omnia libentius agnoscerentur, amor demum erga rempublicam sibi creditam; ne in tam variis hominum ingeniis, ac moribus suis cuiquam abesse stimulus posset, quin pravi formidine, boni verecundia, mediocres fastidio, probatissimus quisque pulchra emulatione corrigeretur: omnes autem cupiditate imitandi, ab exemplo ad virtutem

( VIII. )

tutem acriùs, ac vehementiùs inflammerentur. Adeo næ jucundissima hæc præteritorum exemplorum lumina hominum ingenia perficiunt, exornant, ut incredibilem quandam in eos transmitti vim consilii, auctoritatisque fateamur.

Cum igitur hanc virtutis exemplorumque imaginem à Summis Principibus tuis perpetuò expressam, & politam ac tanto, tamquam inusitato gloriæ splendore ubique gentium frequentatam, cum a Te mirum in modum referri jucundissime intelligamus; Sicuti nemo umquam fuit, qui non animo, aut spe majora susceperit, ejusque latere prouum ad honores iter, & audita latius nomina quæsierit, cum sibi illius memoriam proponendam esse duxit, sic par æquumque erit publica quoque laudatione restitui, ac decorari.

Verùm enim verò in tanta nunc Purpuratorum Patrum auctoritate, tanta consensione, ac studio bonorum omnium,

( IX. )

nium, omnibus hominibus faventibus, Principibus denique omnibus tanta hilaritate comprobantibus dignitatem tuam, quibus studiis eam prosequemur, qua animi significatione occurramus? quod brevi tempore illa futura sit in Romana Ecclesia auctoritas Majorum tuorum laboribus parta, qui incredibili quodam in rebus suscipiendis consilio, in explicandis dexteritate, & in conficiendis felicitate omnium Terrarum Orbem illustrarunt. Ego autem licet forensis palæstræ exercitationibus addictus magnifico scribendi genere jamdiu seposito; & tamquam in portu complicatis velis de quiete jam, atque otio cogitassém; in tantis autem omnium studiis cum unus præ ceteris animum ex forensi strepitu refectum, auresque diuturno convicio defessas, & attritas tantorum gaudiorum causa reparatas animadverterem, subductam jam veluti navim mutato consilio deducere, ac vela ventis pandere coactus

( X. )

Ætus sum. Quod si in tanta laudum tuarum, Gentisque Tuæ Celsissimæ præconum Turba, quibus nullo pacto sum comparandus, me in hoc magnifico præfertim dicendi genere infantem agnoscam, eodem tamen, quo cæteri incesse-  
runt, ardore flagrantem, tua quoque Princeps omnium humanissime, facilitas, ac benignitas inflammavit.

Ut primum itaque operi huic manum admovi, ea statim dicendarum rerum copia occurrit, mihiq; de tam innumeris ac propemodum infinitis Celsissimæ Familiæ Tuæ Principibus disse-  
rendum fore animadverti; ut eorum varietate, & magnitudine deterritus sese jam pene animus à suscepta provincia subducere, mentisque impetus colligere videretur. Si enim oculos ad ipsa, quæ nota sunt, nominis Tui primordia convertamus, eo planè patet laudum excursus, tamque ampla surgit honorum Seges, ut in eorum admiratione  
ne

( XI. )

ne erecti penitus hæreamus .

Celsissimum igitur Nomen de Cybo, si ab ultima usque ætate memoriam temporum repetamus, & eorum monumenta carptim delibemus, Oceani instar, qui exigui sinus gremio concludi nescius, ac riparum angustias indignatus per immensa totius fere orbis spatia aquarum opes longè lateque diffundit, sic plane præruptis remotissimarum Regionum jugis, atque Orientis finibus superatis, primoribus sapientis Græciæ provinciis subfedis, moxque in eas absolutum Imperium exercuisse comperiemus <sup>1</sup>. Græco enim idiomate Cubea primum Gens nuncupata, incredibile prorsus dictu est, quo ejusdem honos processerit, ut vix, aut ne vix quidem ulla alia tot splendidissimis nominibus Orientis fastos compleverit.

Verum enim verò non iis potuit

B 2

tan-

---

1. Ciacconius in Innoc. VIII. Sanseverinus de origine nobil. Ital. Famil. in Familia de Cybo. P. Angelus Manriquez in Annal. Cisterc. Morevi in Diction. Critico Hist. verbo Cybo.

( XII. )

tantummodo finibus contineri, sed Pannonia, Germaniaeque transmissa, & ubique, uti immortalis Sobolis propagatione, sic virtutis ac gloriae insignibus dominatione firmata; mox Jonio, Inferoque mari transfretato, undequaque Terra Marique quæsitam amplissimus demum Italiae splendor excepit, Genuæque potissimum sedem posuisse fertur. Inibi igitur primis Reipublicæ temporibus statim in eum ordinem cooptatam esse scriptum novimus, cui uni summa Reipublicæ commissa creditur. Tanta vero, ac tam peculiari animadversione a vetustioribus Italicarum rerum scriptoribus monumentis tradita atque exornata est, ut de Gente Tua verba facientes proprio veluti cognomento *Heroas* nuncupaverint, qui egregiorum factorum laude illud sibi insigne vindicaverant.

Jamdiu enim mare Jonium, atque  
infe-

---

2. *Sanseverinus de Origine Illust. Italiae Familiar. in Fam. de Cybo.*



( XIII. )

inferum illud immensum, in quo non aquarum tantum fervore, quam Barbarorum excursionibus, deprædationibus, non solum maritimi cursus, sed Urbes etiam, & viæ militares jam tenebantur, Gentis Tuæ virtute ab Oceano usque ad ultimum Pontum tamquam unum aliquem portum tutum & clausum haberi visum est. Nationes eas, quæ numero hominum ac multitudine ipsa redundabant in immensum, ita esse partim recisas, partim repressas, ut Asia, Africaque quæ supremum antea Imperium in cæteras Nationes exercebat, mox nova veluti provincia ejusdem armis cingerentur:

Possem de omni Regione, de omni hostium genere eorum temporum dicere; nulla enim gens fuit, quæ non aut ita subacta sit, ut vix extaret, aut ita domita, ut quiesceret, aut ita tandem auctoritate nominis de Cybo pacata, ut de ejusdemmet victoria, Imperioque teneretur

P.

( XIV. )

Primi itaque in hoc ordine, quoad historicorum auctoritas suadet, cum sese eadem Gente esse meminisset, quæ aliorum saluti nata, non otio suo, quid egerunt aliud, nisi ut pene corpore suo Italia barbaras, exterasque Gentes prohiberent? In Peloponneso enim maximarum Græciæ Urbium dominatione potiti, cum frequentibus nunciis, ac rumoribus Barbarorum Italiam fæde dilacerantium ad eam patere viam intelligeret, Gratiano Augusto imperante, eos inter Italiam primus ingressus fertur Eduardus I. de Cybo, nationesque illas barbaras immanesque, quas imperatores antea exercitus, refutandas potius bello, quàm laceffendas putaverunt, divina, eximiaque virtute repressit. Et ne longius ab Italia prætergrediamur eximius sese offert Princeps JOANNES I. maximis

---

3. *Sanfovin. loco laudat.*

4. *Sanfovin. loc. cit. Thomas Baldassini in vita D. Laurent. Cybo. Senarega, Mirabellus, & Fatius de rebus Genuensibus.*

( XV. )

ximis illis Italiæ luctibus , funeribusque subvenire a Deo comparatus , insperatum omnibus consilium atque incognitum cœpit ; exercitu enim invicto ex paternis bis mille equitibus confecto , ex Orientis finibus Sarmatiam traiciens , non solum sibi cum iis , quos jam armatos contra Divi Justiniani Cæsaris jura conspexit , bellandum esse duxit , sed totam Gothorum Gentem in ejusdem ditionem esse redigendam. Itaque cum acerrimis Nationibus , Narsete Duce socio secum adhibito præ iis felicissime decertatis , maximas earum copias influentes Italiam , ipsumque Tejam Regem immanissimum , qui crudelissimis consiliis incitatus , ardens odio , ac cruentus sanguine Italorum , nihil nisi de eorum perniciæ cogitabat , non avertit modo ac contrivit , Romanoque Imperio subjecit , sed sedes quoque ipsas , ac rece-

---

pra-

5. *Sansevinus loc. cit. , & Procopius de Bello Goth. de anno 550.*

( XVI. )

ptacula penetravit, distulit, dissipavit. Cujus de laudibus, & honoribus, qui ei pro divino prope immortalique facinore, divini immortalesque debebantur, Justinianus Cæsar statim decrevit, ut ad posteros quoque, & JOANNEM potissimum filium transmitterentur. <sup>6</sup> Qui mihi videtur divinitus prope a Patre traxisse virtutem, a quo gloriam fuerat mutatus; hic cæteras enim nationes, gentesque, quas nullæ Italiæ antea litteræ, nulla vox, nulla fama notas fecerat, imperator exercitus ab eodem Cæsare constitutus armis peragravit; quasque Procopio teste fidissimo, nemo unquam fuit, qui non frangi, domarique cuperet, præliis variis laceffitas mirabiliter profligavit. O bene auspiciatum Celsissimæ Gentis principium, o præclare positum virtutis ac Sapientiæ cæteris omnibus rudimentum! quæ enim habuit semper ornamentum.

---

6. *Sanfovin. loc. cit.*

( XVII. )

namenta, quæ insignia, quæ solatia,  
quibus lætari, ac gloriari solemne fuit?  
Majorum tuorum Imagines, Tabulæque  
ad memoriam, posteritatemque proden-  
dam aperiuntur, omnia generis, nomi-  
nis, honoris signa in publicam salutem  
ac commoda parata esse videbuntur.  
Hæcque omnium ornatissimorum Homi-  
num Sententia, eoque Principum ac Re-  
gum, qui ab ea usque tempestate tam-  
quam in specula collocati eorum gesta  
notarunt, laudum ac decorum argumen-  
ta confluxere. Ut palam constet post  
omnium memoriam hominum, nusquam  
in eo ordine Summorum Virorum plus  
virtutis, plus amoris in eorum Rempu-  
blicam, plus gravitatis fuisse; quique  
nihil à se opis, nihil adjumenti, nihil  
auxilii ferri oportere, nisi pro Patria, pu-  
blicaque fide existimarunt. Nec im-  
merito grati animi memoria semper  
omnem tranquillitatem, & quietem  
acceptam universi retulerunt eorum

C

aucto.

( XVIII. )

auctoritati , ac sapientiæ .

Quo quidem animo cum semper Italia potissimum fuerit ; tum non dubito , quin clarissimo Duce LUDOVICO I. de Cybo palam faciente , sese magis etiam confirmaverit , ab omnique sollicitudine ejus virtute abstraxerit , atque erexerit . Etenim cum Siciliam caput Italiæ , portum omnium gentium , sedem ab universis populis rei frumentariæ , & annonæ universæ comparandæ statutam , Saracenorum furore inflammari , excindi , funestari nossæt LUDOVICUS : <sup>7</sup> maxime verò turbatus est , ut audivit , non id fieri multitudine imperita , sed fæderata quoque totius Africæ barbarie , non eam modo pulcherrimam Italiæ partem , sed totam penitus esse effusam . Præsenti animo in eos cum Sardinia Comite consanguineo suo mare trajiciens , ejusque æstuantibus fluctibus ,

ac

---

7. Sansevinus loc. cit. de anno 828.

( XIX. )

ac procellis pro nihilo habitis se se in eorum classem Ludovicus Carthaginem inter , atque Uticam medius immisit. Cumque validiores hostes vires in maritimam classem intendissent , ventorumque ipse flatus rejicere conaretur , adhuc audire videor , & agitationes perturbationesque barbarorum , ex parte vero Christianorum voces effusissimis gaudiorum significationibus refertas , omnesque certatim alios aliis gravius , atque frequentius cum Poëta alloqui Ducem felicissimum .

*Obnimum dilecte Deo, cui fundit ab antris  
Æolus, armatis byemes, cui militat Æther,  
Et conjurati veniunt ad classica venti .*

Nullam moram insequendi hostes interponendam esse existimavit. Sicque cum omnibus copiis præsto fuit , & tam propius accessit , ut barbarorum naves ferro ingrederetur. Impetum atque incursum refugientes hostes , eodem tempore sese in fugam contule-

runt. Verum eodem quo aggressus fuerat, LUDOVICUS ardore insecutus, classem demersit, fugientes verò omnes acerbissimo exitio addixit.

Maximam verò partem Parentum suorum gloriæ quasi suo sibi jure vindicavit GUIDO I. de Cybo decimo vix inchoante Ecclesiæ Sæculo; quidquid enim est præclarè gestum, id penè omne suum ducere oportet; ut variarum terrarum dominatione in Italia ab OTHONE I. Cæsare donatus,<sup>8</sup> clarissimos omnes suorum temporum duces tam contentionum magnitudine, quam numero præliorum, varietate Regionum, celeritate conficiendi, aliisque bellicæ artis laudibus superaverit.

FRANCISCUS autem I.<sup>9</sup>, atque EDUARDUS II.<sup>10</sup> non minus ad amplificandam  
tuo.

8 *Moreri in Dictionar. Criti. & Histor. verbo Cybo ex Privilegio Viterbii concessio an. 999.*

9 *Sanfoin. loc. cit. de anno 1000. & ex Chronic. DD. de Brunforti.*

10. *Moreri loc. laud.*



Tuorum gloriam contulerunt . Contra Infideles enim iter aggressi , suisque Feudis eam ob causam ab internecinis hostibus occupatis , pro Christi tantummodo nomine stipendia mereri , suoque studio , consilio , patrimonio fidei persolvere , quod debetur , intendentes , jam præcipitanti , jam submersæ subvenerunt , atque extulerunt . Neque calamitatis solummodo propulsandæ causa profecti , sed ut generi , ac nomini clarissimo majorum suorum decus assereretur avitum , non modo vetera libertatis jura Christifidelibus vindicarunt , sed cætera quoque Sacrorum Templorumque violata restituerunt . O præclaram sane gentem , ac singularem fidei virtutisque indolem , admirandam potius , quam dignis laudum præconiis extolendam !

Eam enim imitatus virtutem LAMBERTUS I. de Cybo Duce , ac facem præferente GUIDONE II. Patre suo ,

atque

( XXII. )

attestante memoria omnium ", neminem fuisse, qui majori studio, auctoritate incubuerit ad christianam Rempublicam conservandam, ab universis Italiae Principibus in Siciliam imperator missus, audacissimum Maurorum genus disjecit prostravit. Nec solum id animose, & fortiter, sed reliqua quoque considerate sapienterque perfecit. Caprariae, Gorgonis, ac Fenegerolae Insulis in Tyrrheno mari locis olim munitis ac propinquis hostes tamquam intimis eorum sedibus constiterant; verum à Lamberto statim vi captæ, omnes cum Fivizano, innumerisque aliis castris eidemmet hereditario virtutis præmio cesserunt. <sup>11</sup>

Sed quid ego ne, qui tot tantoque de Regia Gente tua laudavi Principes, adeo ne oblitus, atque immemor rerum

---

<sup>11</sup>. *Moreri loc. cit. & Sansovin. de anno 1092. Eleuther. Mirabel. in Ephemerid. Italiae, & monumentis in Tabulario S. Georgii Genue existentibus.*

<sup>12</sup>. *Ex eodem Mirab. loc. cit. & in Pisan. Hist.*

( XXIII. )

rerum à cæteris gestarum esse videar , ut exiguis veluti spatiis Regionum circumscriptum tanti nominis insigne putarem , si Ducem ARANITUM I. <sup>13</sup> eruditorum omnium , ac Poëtarum præsertim laboribus illustratum silentio præterirem ? quandoquidem iter impeditissimum , ac difficultatis , & periculi plenum cum clarissimis toti orbi Ducibus Gothifredo Bullionio , aliisque Græcorum Antesignanis in ethnicos aggressus , ea sane præstitit argumenta virtutis , animique roboris , ut Constantinopolitano Patriarcha testante <sup>14</sup> primum Aranitus inter alios fidei propugnatores locum obtinuerit : ipse quoque auctoritate sua , quæ apud reliquos Principesungebatur , Gothifredum Regio Hierosolymorum Diademate dignum decreverit , coronaveritque ; quod non solum memoria , & testimo-

---

13. Ex *Sanssevin. loc. laud. de an. 1096.* , & *Morer. eodem loco* , & *vetustioribus monumentis apud Diodorum Baciim.*

14. *Aniceto Patriarcha in lib. Hist. Terræ Sanctæ.*

( XXIV. )

monio, sed etiam annalium litteris, & Summi Poëtæ voce laudatur.

Parem verò, imo majorem sancti fructum eisdem temporibus, quem orientales atque occidentales Principes de Regia Gente tua expresserant, Romana Ecclesia excepit. Nam sub eodem undecimo Ecclesiæ Sæculo eos nata est Fidei propugnatores præsentissimos, ut parum ac pro nihilo prorsus conjuratam errorum turbam habuerit. Ut vel notos enim omittamus HERMANNUM atque ALBERICUM Cardinales præclarissimos<sup>15</sup>, numquam dignis laudibus extolli poterit Cardinalis MARTINUS de Cybo<sup>16</sup> Beatorum albo jamdiu a Romana Ecclesia adscriptus. An cum sub Innocentio II. Romano Pontifice teterrimi schismatis adhuc labes grassaretur, Stampensi Synodo

---

15. *Apud Ciacconium an. 1007. Panvinum de Roman. Pontif. anno 1126.*

16. *And. Viçtozel. in addit. ad Ciaccon. Gaspar. Angelinus in Purp. D. Bernardi. Francisc. Zaccaria. Chrysof. Henriquez in fasciculo SS. Cisterc.*

( XXV. )

nodo indicta, nimirum catholicæ vindex fidei indormiebat? Nonne ipse Anacletum Pseudo-Pontificem Ecclesiæ jura despicientem, turpissimisque erroribus divina, humanaque omnia susque deque habentem coercuit, compescuit, constravit? Lætatur adhuc Ecclesia pacem cum Lothario Imperatore sancitam, Romanæque Cathedræ jura honorificentius vindicata: nonne ipse Martinus vindicavit? In Montium autem, Pisano, atque Romano Concilio non minora exhibens sapientiæ, ac auctoritatis indicia, credi vix potest, qua gravitate, & doctrinarum pondere Sacrorum Canonum splendorem, Ecclesiasticæque disciplinæ majestatem illustraverit; nec non Romano ipso Pontifice, ac Galliarum Rege obstupescantibus toti fere Europæ errorum colluvione in pejus ruenti, purissimam nascentis Ecclesiæ faciem, fidem, ac pietatem restituerit. Cum vero omnes in-

D

re

re valuisset Martinus; tot, tantisque negociis distentus esset, ut ne respirare quidem libere posset, Legatus statim Romanæ Ecclesiæ in Daniam mittitur.<sup>17</sup>

Hoc itaque tanto consilio, atque adeo necessitate Ecclesiæ impulsus, asperitate locorum, itinerum difficultate, vitæ ipsius discrimine neglectis, exploratum profecto est, quantopere conatus fuerit, quo Septentrionis dubiam fidem confirmaret, quibusve artibus Nicolaum Regem ad propagandam rectæ Religionis sobolem acrius, ac vehementius accenderet.<sup>18</sup> Repente enim tamquam, serpentem è latibulis oculis eminentibus, inflato collo, tumidis cervicibus virus hæreseon abditum educens, non est humano consilio cogitandum quo animi robore, quave virtutis, & constantiæ indole inveteratum illud ex populorum effræni ac præcipiti pervicacia robur hæreseon

---

17. *Baronius Annal. to. 12. an. 1130.*

18. *Abbas Bonavallis lib. 2. cap. 2.*

( XXVII. )

seon primus ipse Martinus disjiciens, disperdens, Cimbricam Chersonesum, Jutiam Septentrionalem, atque Holsatiam nutriculam perduellium omnium ad sublimem filiorum Dei libertatem asseruerit, revocaverit.

Visa quoque fuit Romana fides in remotissimis reliqui Septentrionis regionibus exultasse, Scania nimirum, Hallandia, Norvegia atque Gronelandia, veræ fidei lumen primitus sibi invec tum; nonne invexit Martinus? Ecclesiæque Ministros sparsim constitutos errorum contagione infectos, divino quodam veluti ictu excussos integritati fidei restituit. Eas denique domuit gentes immanitate barbaras, multitudine innumera biles, locis infinitas, omni errorum genere redundantes, quæ nec naturam, nec conditionem, ut vinci possent, habebant; juravitque invictissimus Christi propugnator, se gratiam Ecclesiæ minime excepturum, alienumque dignitate tan-

( XXVIII. )

ti Legati sibi videri , nisi ipsimet errorum antesignani Duces , ipso triumphante de cæteris , plenè triumphum prosequerentur . O memorandum sane Romanæ fidei triumphum , veteribus omnibus Romani Imperii facilè anteponendum ! O singulare majorum tuorum , Princeps præclarissime , pro Christianæ Reipublicæ salute in eorum sanguine insitum incitamentum !

Hæc enim tam memorabilis gloriæ magnitudo , illud Sanctissimorum Viro-  
rum testimonium , illa Terrarum ipsius orbis significatio sine ulla varietate universi , qui una mente atque voce Republicam ab ipsis servatam esse conclamavit ; quid declarat aliud , quid significat , nisi omnibus caros , probatosque fuisse , ac nemini offensos , aut invisos ; qui tot dignitatibus cumulati , tantisque muneribus insignes nil aliud præter Reipubli-

---

19. Divi præsertim Bernardi B. Martini virtutem commendantis lib. 4. de confid. cap. 5. ad Eugenium III.



( XXIX. )

publicæ sibi creditæ dignitatem exquiescerunt.

Quod quidem tantum fuit, semperque viguit in eorum animis studium, ut fidem hominum fere antecellant, quæ sub Lucio II. Romano Pontifice, & Adriano IV. GUIDO Cardinalis de Cybo in luctuosissima illa Urbis seditione evellenda contulerit ad necem usque evocatus, quæque cum Friderico Cæsare Viterbii pro pace concilianda cum Romana Ecclesia perfecit.<sup>20</sup>

Omnium verò gentium, atque omnis memoriæ clarissimum lumen FRANCISCUS II. operam non minorem navavit ad eam gentis suæ gloriam augendam, qui postquam Almeriam hostium obsidione cinctam ab eorum expugnatione fervavit, ac Ballearium Regno armis potitus, sicuti admirationem ac benevolen-

---

20. *Johannes Sarisberien. in Policrat. Angelus Manriquez. in Annal. Cisterc. Ferdinand. Ughel. in Ital. Sac. & Ciacconius an. 1144.*

( XXX. )

lentiam omnium sibi conciliavit, ita victor in Patriam regressus eximii imperatoris cognomentum publicis tabulis exaratum obtinuit."

Unius autem Regni plausibus contineri minime passa Gens nobilissima, sed ultra semper avitam gloriam prolatura, ex publica pactione fœderis habita inter Genuenses, & Pisanos clarissimus nobis profertur Dux HERMES de Cybo, "qui non hominum solum judiciis, sed publicè quoque celebratus, quod cunctarum inferi maris Insularum dominationem adeptus, adhuc tamen ostenderit, quantopere ab eo usque tempore Gens tua Celsissima in animo habuerit, non tam præmia sequi recte factorum, quam ipsa recte facta, cui nihil præstabilius videbatur, quam ex omnibus præmiis virtutis, si esset habenda ratio præmio-

---

21. *Sansovino. loco cit. an. 1147.*

22. *Ex parantiqua stipulatione confecta pro fœdere inito quam probat Sansovino loc. laud. an. 1183.*

( XXXI. )

miorum , amplissimum præmium esse gloriam , periculis Patriam liberasse .

Esse hanc unam , quæ Posteritatis memoriam consolaretur , quæ efficeret , ut absentes adessent , mortui viverent , cujusque gradibus ad summum gloriæ culmen ascendere viderentur , cumulatissime patefecit Princeps ABAILARDUS I.<sup>23</sup> virtutis Gentis tuæ propugnator eximius , qui Venetias in acerrima illorum temporum Reipublicæ dimicatione evocatus omnium animos incredibili admiratione complevit . Nulla enim tanta vis est , tanta virtus , tantum animi robur , quod non ferro ac viribus debilitari , frangi-que possit ; hujus verò constantia pro Republica non modo maximorum Regum minis , sin minus preces valuissent , cohiberi , sed ne victoriis etiam ipsis potuit retardari : quamobrem gloria , ac triumphis onustus , qui in publicis adhuc  
mo.

---

23. Ex Reipub. Venet. monumentis apud Ludovicum Michaele ex Sanjov. an. 1216.

monumentis frequentantur; imensos Reipublicæ fines, quos exercitu non potuit, fama tamen ac gloria peragravit.

Sed quoniam omnibus in Terris & jam versatur, habitavitque semper nominis tui gloria, quid dicam de LANFRANCO I. ac FRANCISCO Episcopo Savonensi, Principibus <sup>24</sup> non in scientiarum modo, ac virtutum exercitatione eruditis, quam in summa rerum publicarum versatissimis? Vereor autem, ne de GUILIELMO II. <sup>25</sup> cognomine Bono minus dicam, quam aut universi sentiant, aut monumenta scriptorum commemorare studuerint; cujus auctoritatem & prudentiam Romana potissimum Ecclesia perspexit; qui ubique ingenium, laborem, fidem suam Reipublicæ promptam expositamque præbuit; qui ita justus & bo-

---

24. *Moreri loco laud. & Sansev. an. 1241.*

25. *Sansevin, & Morer. loco laud. Ciacconius in Innoc. VIII. Henninges Tom. 4. Genealog. Tabell. p. 1076. Augustin. Justinian. in Annal. Genue ad annum 1267.*

( XXXIII. )

bonus, ut natura, non disciplina consultus esse videretur, ita sapiens, ut maxima legatione functus ad Clementem IV. Pontificem maximum pro difficillimis Reipublicæ Genuensis negociis, ita probatus Pontifici fuerit, ut, Ecclesiastico statim interdicto remoto, qua diligentia pertractavit, ea felicitate vinxerit, fide atque auctoritate pacem cum Ecclesia constabiliverit: ita demum omnibus gratus atque acceptus, ut Fridericus II. Augustus Imperator in ipso calamitosissimorum temporum æstu peculiaribus honorum ac dignitatum insignibus fuerit profecutus.

Cui quidem diù conceptæ Parentum suorum cupiditati operam egregiam dedit Princeps GEORGIUS de Cybo Michaelis Palæologi Græcorum Imperatoris ad Romanum Pontificem Gregorium X. & Lugdunense Concilium unionis Ecclesiæ ineundæ causa Legatus designatus. Satis enim in ea nobilissima

E

Le-

( XXXIV. )

Legatione confirmavit , eorum consuetudinem usu tractandoque expressisse , quæ ad Rempublicam conservandam , & Catholicam veritatem facilius promovendam conferre viderentur .<sup>26</sup>

Quamquam vero celebratissimos illos Majores tuos EMANTUELEM , BARTHOLOMÆUM I. , atque CYBUM de Cybo relinquamus , Italicum tamen bellum illud magnum atque difficile , & in multa varietate nationum terra , marique versatum , prætereundum minimè foret , quod ita à tantis Viris gestum est pro Carolo I. , ac Roberto Neapolitanis Regibus , ut non facile dixerim , an plus dignitatis nomini tuo , quam voluptatis legentibus sit allaturum .<sup>27</sup>

Non minus etiam fides agi visa fuit à GULIELMO III. , & FRANCISCO insigni Granianensium Comitatu ad Lactarium

---

26. *Ex actis Concil. Lugd. apud Labbeum Tom. 11. p. 967. & antiquo Tabul. gentis de Cybo ad annum 1274.*

27. *Moreri in diction. loc. cit.*

( XXXV. )

rium Montem posito à Roberto Rege decorato , ne, qui in clientelam eorum venerant , desererentur .<sup>28</sup> Beneficiorum vero non ignari ALAO, BRANCALEO , ac MAURITIUS<sup>29</sup> parentibus suis præstitorum , cum ad incitas jam redactas Roberti res prospexissent , Henrico Cæsare jam in Regnum non armis modo invadere agitante , quam novis rebus , atque armatis cohortibus domesticorum Principum perturbante; quamquam nihil aliud vere decernere potuissent , nisi timere; publicæ tamen Regis utilitati non mediocriter auctoritate sua consuluerunt , ut quæ cæteri temporum dubias vices miseras vocarent , voluptati haberent , nisi tamen Republica bene atque decore gesta .

THOMAS autem de Cybo nulli Gentis tuæ splendore secundus , ex manifesto Pii II. Romani Pontificis<sup>30</sup> testimonio , maritimæ classis imperator in Chium in-

E 2

fulam

---

28. , & 29. *Moreri dicto loco .*

30. *Ex Diplomate Pii II. Sansev. , & Moreri ad an. 1330.*

( XXXVI. )

fulam pro ea tuenda ab acerrima hostium oppugnatione transmissus , pro certo habemus , Principem sibi locum inter cæteros sui ævi Duces vindicasse .

Familiæ autem suæ , sobolisque egregiæ propagatione in florentissima Italiæ parte Neapoli firmata , ab eoque Tomacella dicta , in monumentis rerum Italiæ potissimum gestarum incisam ac notatam videmus , studio laudis , ac virtutis inflammata tantopere in Europa valuisse , ut non modo cum summis illius civitatis viris , sed cum amplissimis quibuscumque Principibus & jure sanguinis , & feudorum splendore sit comparanda .

Et quæ ? pro hominum fidem ! à sapientissimo Pontifice optimo maximo BONIFACIO IX. TOMACELLO de Cybo patrata non vidimus , quæ admirabilem illam nominis tui imaginem non referrent ?

---

31. *Ciaccon. in Bonifac. IX. & Innoc. VIII. Philip. Scaglia de rebus Neapolit. & Sansevinus loco laud.*



rent? O admirandam sane stirpem, & tamquam in unam arborem plura genera, sic in istam gentem omnium insitam virtutem ac sapientiam! Cum enim ea ætate, maximisque perturbationum momentis involutam Christianam Rempublicam administrandam acciperet, nemo eo visus est in consiliis capiendis prudentior, nemo in rebus disponendis diligentior, nemo in peragendis expeditior.<sup>32</sup>

Quid est enim, in quo tantus Pontifex Christianæ Reipublicæ plus prodesse potuit? quid est, quod aut Romano Principatui gratius esse debuit, aut saluti, fortunisque omnium magis accomodatum? Populatæ diu, vexatæ, funditus everse Romanæ ditionis Provinciæ, jam non salutis spem, sed exitii solatium quærebant. Veterem judiciorum  
vim,

---

32. *Platina in ejus vita. Sanson. Onuph. Panvin. in Chron. Boninsegni. lib. 4. hist. Florent. Genebr. lib. 4. chron. Card. e Egli- dius Viterb. in hist. 20. Sec.*

( XXXVIII. )

vim , gravitatemque postulantes ad Bonifacii fidem , quam habebant spectatam jam , & diu cognitam confugierunt , omnes illum defensores calamitatum suarum , ultorem injuriarum , cognitorem juris sui esse voluerunt .

Perditissimi itaque Romanorum gregis , qui factò velut agmine in Romanam Ecclesiam debacchabatur , ferro ipso non sine perfidia quandoque abusus , mucronem nullo armorum strepitu , sed solo auctoritatis remedio retudit ; ut post tot sæcula , tot curas Romanorum Principum primus ipse cunctando rem restitueret .<sup>33</sup> Latium verò , Campaniam , Picenum ; in Hetruria , Viterbium , Montemfaliscorum , Urbem veterem ; in Umbria Narniam , Tudertum , Spoletum , Perusium ; in Æmilia , & Flaminia , Bononiam , Faventiam , & Forumlivium Civitates clarissimas diuturno animorum ardo-

---

33. *Andreas Victor. in addit. Claecon. Platina. Sanseverini. & Cardin. & Egid. locis laudat.*

( XXXIX. )

ardore, & armorum confluentes, Ecclesiastico Imperio restituit, subjecit.<sup>34</sup> Galeatii Mediolanensis diu Ecclesiam instantis totius fere Italiae trans Appenninum vires retardavit. Innumeris Aedificiis Urbe exornata, Aerario Apostolico opibus ac redditibus locupletato, primum Bonifacius Adriani molem Arce firmatam Vaticano Palatio conjunxit; primus quoque Tyberis aditus, pontesque communivit. Graecas litteras eruditione varia refertas post quingentorum annorum silentium in Italiam advexit.<sup>35</sup>

Cum vero Sedes Pontificia ab Avenionensi exilio tandem aliquando Romam reversa esset, primum totius Orbis expiationem Pontifex consultissimus celebravit, tantaque cupido omnium animis visendi Pontificis incessit, ut populos

---

34. Ciaccon. in Bonif. IX.

35. Caesar. Rasp. de Basil. Lateranen. Platina: Sabellicus En. 10. lib. 9. Genebr. lib. 4. Middendorp. lib. 3. Acad. Gault. in Tab. Chronogr. & Vissorel. ad Ciaccon.

( XXXX. )

los gentesque omnes in Urbem exciverit.<sup>36</sup> Roma tota, si una voce loqui potuisset, hoc diceret, si qua reliqua spes est, quæ perditorum animos erexit, afflictos recreavit, ea tota in Bonifacii virtute posita. Quod dignitatis, quod securitatis quod ornamentorum in Romano Principatu est, id mihi totum, Pontifex invictissime, attulisti, auxisti.

Quod si ea, quæ in Romani Principatus Regimine dilapsa defluerunt, tam severis legibus vincienda esse duxit, qui porro intelligi potest, quove pacto se gesserit, ut Christianæ Reipublicæ salutem complecteretur? Albos enim ex Alpibus Italiam adeuntes, suspectam populorum audaciam, effrænes libidines, earumque præsertim prægustatorem eximium Ducem eorum, qui exterius vitæ Sanctimoniam ostentabat, interius

vero

---

36. *Turfellin. in hist. Laur. lib. 1. cap. 21. Bernard. Corius in hist. Med. Ciacconius. Visserellus. Carolus Saussajus in Annal. Eccl. Aurelian. Joh. Dubrou. lib. 23. hist. Boem.*

( XXXXI. )

vero Ecclesiæ interitum agitabat, alluvione quadam secum abripiens innocuos, tam acriter infectatus est, ut uno veluti ictu errores, eorumque architectus igne extinguerentur.<sup>37</sup> Cum vero plerisque in rebus gerendis tarditas & procrastinatio perniciofa sit, tum bellum illud contra hæreses maximæ indigere celeritatis sapientissimus Pontifex censebat, atque horam eximere ullam in ea peste ac sorde Christianæ Reipublicæ avertenda, non sine scelere posse. Succurrendum quapropter Anglicæ Ecclesiæ contra Vvicchlefistas statim decernens, omnes undique vires, opes, consilia Henrico IV. Regi subministravit.<sup>38</sup> Jamque Pontificis impulsu à Britannia ejectis errorum monstris; cum perfida lues, quæ semper judicium Ecclesiæ, auctoritatem, potesta-

F

tem.

---

37. *Ægid. Card. loc. cit. & Viftorel. ad Claccon. Gualt. in Tab. Chronog. Æneas Silo. in hist. Boe. Polyd. Virg. de Inverum lib. 7. cap. 5. Blondus, Volater. & Sabell. loc. cit.*

38. *Vvalfin. ad an. 1396. in Ricc. II. , & Henr. IV. & lib. 4. Epist. Bonifacii p. 156. Georg. Concus lib. 1.*

temque Pontificis contempserat, sese in Italiam, ac Bononiam potissimum nova audaciæ fronte coniecisset, nouumque incendium excitasset, Bonifacii cura incredibilis accurrit, non in cavendis modo, ac pertimescendis, sed ulciscendis etiam nefariis criminibus, penitusque delendis.<sup>39</sup> Verum o virtus! quæ potest esse major virtus, quam animo abhorruisse consilium sibi in asperrimo vitæ periculo à medicis exhibitum, ac mori potius elegisse, quam impudice castimoniam sædando, vitam vel longius expectatione protrahere;<sup>40</sup> vel unam ob causam meritis sibi honores, & debitos comparavit, cum nemo fere memoria hominum fuerit, qui non modo pari virtute, & voluntate extiterit, sed tantam causam habuerit, in qua & voluntatem, & virtutem suam luculentius declaraverit.

Hujus

---

39. *Lib. 4. Epist. Bonifacii IX. p. 114.*

40. *August. Oldoinus in addit. Ciaccon. S. Antoninus p. 3. bist. tit. 22. cap. 3. §. 33.*

( XXXXIII. )

Hujus autem virtutis sectatores præsentissimos e familia sua Cardinales Leonardum atque Angelum<sup>41</sup> relinquens, in custodia & tamquam in specula collocavit quibus vacua metu christiana, Respublica ab omnibus errorum portæ redderetur.

In qua quidem tam manifesta Celsissimæ Gentis tuæ sententia adeo teneri visus fuit numquam satis commendatus Princeps ARANUS I., ut una voce atque mente omnium ad suum consilium, auctoritatemque Respublica evocata esset<sup>42</sup>: ad Albertum enim Austriacum Cæsarem Legatus profectus, rebusque cum eo in Italia feliciter compositis, una eum necessitas tantum premebat, ut nullam partem noctis requiesceret, quidnam dignum industria virtuteque sua præsta-

F 2

ret,

---

41. *Sanfov. loc. cit., & ex MS. Onufrii Panvini apud Ciaccon. in Bonifac. IX.*

42. *Sanfovini. loc. laud. ex Montalto, & Moreri dict. Cris. & hist.*

( XXXXIV. )

ret , quod rei utilitati publicæ conduce-  
ret. Maritimæ igitur Classis pro Patria  
imperatoris munere, ac Romæ Senato-  
ria Dignitate optimè functus, cum a  
Renato Rege Neapolim ad sui præsi-  
dium in difficillimis illis florentissimi Re-  
gni temporibus evocaretur; credi vix,  
aut ne vix quidem possunt quæ pro po-  
pulorum tranquillitate, Regisque inco-  
lunitate, quantum asperrima temporum  
ratio ferre potuit, auctoritate sua præ-  
stiterit. Renati autem Regis ad Tria-  
rios res redactæ cum de victoria penitus  
desperarent, Alphonsus vero Rex Ara-  
gonius Neapolim obsidione cinctam, ar-  
morum strepitu tandem penetrasset, om-  
nem spem salutis ad clementiam victo-  
ris conferentes Cives, unum ab Alphons-  
o enixe expostularunt, ut Aranum sibi  
pro-Regem confirmaret. O magna vis  
& prope dicam auctoritas virtutis, quæ  
po-

---

43. Ciacconius in Innocentio VIII. ex Elogio in Capitolio  
adhuc extante .



( XXXXV. )

potest esse, excogitative potentior virtus? quæ contra hominum impetus, iracundias, contra Regis ipsius victoris triumphos victos tueatur? magna etenim laus, grataque hominibus, quæ Arani virtuti sapientiæque debebatur, Alphonso cum primis explorata; eaque inveterata in hominum mentibus opinio, gentem suam de Cybo in ea potissimum, scientia elaborasse, quæ non sibi, sed Reipublicæ rationibus proficeret, irati Regis animos fregerunt, iracundiam prohibuerunt, ut moderator Regni Aranus confirmatus exquisitissimis quoque fuerit honorum signis, atque ornamentis cum tota gente sua à Rege muneratus. 44

Frugi itaque princeps iste, frugi, inquam, in omnibus vitæ partibus gloriosus, rebus gestis, ac victoriis summo opere eruditus, quos plane virtutis suæ fructus

---

44. *Sanfovin., & Morer. loc. laud.*

( XXXXVI. )

ctus ediderit, palam profecto fecit INNOCENTIUS VIII. de Cybo Pontifex ornatissimus. Qui mihi unus ex omnibus universalis Ecclesiæ moderatoribus videtur re docuisse, non verbis, quod oporteat ab eisdem in Christiana Republica fieri, & quod necesse sit. Oportere hominum audacium, everforum sceleribus, legibus & judiciis resistere: si leges non valerent, judicia non essent: si Romana juris dicundi facultas vi, consensuque perditorum oppressa teheretur, totis viribus, omnique nervorum contentione defendi, propugnari, ac vindicari necesse esse. Hoc sentire prudentiæ est, facere fortitudinis, neglectum jam ac penitus derelictum restituere, gloriæ; sentire vero, facere, & cum opus esset, restituere, summæ, cumulataque virtutis. Itaque hac acerrimi judicii constantissima fide immortalem prope egregiis facinoribus suis gloriam conciliavit. Cum enim, ut inquit Plato, optimus Princeps  
exi-

( XXXXVII. )

existimandus sit, qui singulis semper ætatibus probatus fuerit, & perseveranter id agere studuerit, quod Reipublicæ conducere arbitraretur, aliter quasi ex divino oraculo censebat Rempublicam perituram. Sapienter plane sentiebat Innocentius, quotidianisque sermonibus profitebatur, pro sua cuique parte excubias agendas esse pro Sedis Apostolicæ incolumitate, & magnitudinem ejus quibuscumque rebus comparandam. Si cui sint opes, opibus, cui prudentia, consilio, cui robur viribus provehendam. Nihil melius pace sibi videbatur, arma non propter victoriam, aut rapinas, & vim vindicandam sumenda fore, sed propter quietem.<sup>45</sup> Cum igitur orbis terrarum universus in arma præceps raperetur, cælestis animi sui judicio, bellorum repente æstus resedit, Italiæ cupienti pax reddita fuit. Ad suæ quoque lucis radios

---

45. *Daniel. Papebrochius, cum Godefrido Henschen. in Innoc. VIII.*

( XXXXVIII. )

dios Galliæ erectæ, Hispaniæ vero, Britannia, Sarmatia, & externis. & domesticis concitæ motibus aliquod seu signum ex arce illa Pontificatus ad bene sperandum sustulerunt. Jam vero perpetuo bellorum comes, caritas annonæ, jam sicubi quies ab armis erat, crudelior armis pestilentia sæviebat. Verum tam felices successus, tanta prosperitas, copia, salubritas suæ circumfulsit dignitati; ut cum ad eam cuncti ipsum prouchi plurimum exardescerent, incredibiliter tamen gavisi fuerint esse provectum. <sup>46</sup>

Versatus autem in intima familiaritate hominum ornatissimorum, quem eorum in Pontificio quoque Solio constitutus non re, non verbo, non vultu denique solitæ benignitatis participem non effecit? quamobrem fovere, atque illustrare bonas artes, & e re litteraria optime meritos gestiebat, qui manum  
suam

---

46. *Parvin. in Eleg. Innocen. VIII. Andr. Viçtorcl. in addit. ad Ciacccon.*

( XXXXIX. )

suam adversus rudem inscitiam, tetramque barbariem implorarunt; ut à quo pax ubique ac tranquillitas restituta esset, ab eodem etiam pacis alumnae litterae ab injuria scilicet atque indignatione vindicarentur. Roma igitur religionis arce tutissima luculentissimis pietatis vestigiis exornata, mucrone potissimum ferri, qui latus Domini penetravit, in Vaticano honorificentissime collocato, mentem suam sapientissimam ad cæteras orbis gentes excolendas convertit. Viditque statim Regem Congi in Africa ad suos accidisse pedes insaniam ejurantem. Sentiit Africanos fere innumeros veræ religionis lumine perculsos, baptismo primum initiatos. Ut autem Ferdinandum Regem Hispaniarum Catholici cognomento decoraret, non mediocres eidem stimulos injecit, ut Judæis spurcissimis thalmudistarum superstitionibus Catholicam simplicitatem sædantibus ab Hispaniis penitus expulsis, ad novum

G

dein-

( L. )

deinceps orbem non armis tantummodo peragrandum , quam Christiana Religione primitus illustrandum vires suas , & cogitationes omnes intenderet . Quandoquidem nihil stultius reputavit , quam , ut plurimum copiis , opibus , consiliis possint , cætera omnia parare Principes à Deo constitutos , non tam Regnorum , quàm Religionis tutores , optimam autem & pulcherrimam supellectilem Deo non parare . Ut primum igitur Zizimum Bajazethis II. Turcarum Imperatoris fratrem Christianorum vires implorantem summis laboribus in Romam importari curavit , quem , ne datam fidem frangeret Innocentius , Bajazethi ingentia offerenti munera restituere recusavit , e re sua esse duxit Pontifex pietate refertus , Maximilianum Cæsarem , Fredericum Hungariæ , Galliarum , Castellæ , Angliæque Reges , ac Purpuratorum Patrum Collegium ad bellum in Turcas aggrediendum excitare , ut pro sua quisque

( LI. )

que parte niteretur illatas christiano nomini injurias vindicare, & veræ Religionis semina in obdurata illarum gentium corda ingerere. Quod, si quantum animo, tantundem etiam corporis valetudine Pater amantissimus Ecclesiæ valuisset, ac paulo longius, quam infirma ætas tulit, dies protulisset, cum sane fructum suis laboribus, & industria excepisset Ecclesia, quem ad extremum usque vitæ honoribus, imperiis, rerum gestarum gloria continuata pepererat. <sup>47.</sup>

Cum vero ab hac perenni contestataque virtute, majorumque suorum exemplo roborata, non modo non degenerare, sed, id quod maxime florere in generis tui gloria viderat, majora exequi virtutis argumenta Nepotes suos NICOLAUM, ac PANTALEONEM de Cybo intelligeret, Summi Senatus Collegio

G 2

ado-

---

47. *Apprime Sansevin. Claccon. Ubertus Folietta in Elog. clar. Ligur. Angelus Politianus, Polyd. Virgilius, & Pontanus commendarunt.*

( LII. )

adoptatos, <sup>48</sup> hæredes statuit non gloriæ modo, & splendoris, quam suæ, avitæque virtutis.

Neque minus valuit FRANCISCUS IV. Princeps in omnibus vitæ partibus integer & sapiens, in Regia Aragoniorum Regum Aula à teneris annis enutritus, in publicis rebus summi consilii, ac maximi animi; usu vero bellorum gerendorum in primis eorum hominum, qui umquam fuerunt, oppido exercitatus. Anguillaræ enim aliarumque Terrarum imperio insignis, & S. Romanæ Ecclesiæ imperator exercitus, tantopere apud universos Principes existimationi habitus est, ut ejus plane opera eo gloriæ & dignitatis fastigio Regia Mediceorum familia procefferit, qui Laurentio ejusdem gentis principi Italiæ moderatori nuptiarum sædere junctus, viam Alexandro Duci aperuit ad absolutum Hetruriæ Im-

---

<sup>48.</sup> *Franciscus M. Vialard, in Innoc. VIII. & Ciacconius ad an. 1484.*



Imperium obtinendum, <sup>49</sup>

Verum enim vero ad hanc tam magnifice propagatam Gentis tuæ gloriam non parum operæ ac laboris Cardinales LAURENTIUS, atque INNOCENTIUS de Cybo contulerunt. <sup>50</sup> Primus enim in teterima illa sub Alexandro VI. temporum calamitate murus & repaculum objectus <sup>51</sup> effræni furentium belluarum libidini, exploratum profecto habemus, voragines, scopulosque in illis fluctibus tempestatum e Romanæ Ecclesiæ cervicibus depulisse. Alter vero Romæ Camerarius unus ipse Clemente VII. patruo suo Ecclesiam gubernante afflictis rebus attulit levamen. Legatus enim in Bononiam, ac Romandiolam profectus, in media

---

49. *Sansovini. loc. laud. & Moreri in diction.*

50. *Henric. Spondan. in Annal. Ecclesiast. Panvin. de Rom. Pontif. Turfelin. Suarez. de Episc. Prænest. Marius Viperæ de Archiep. Benevent. Scipio Ammirat. in hist. Florent. Ferdinand. Ugbell. in addit. ad Ciaccon. & in Ital. Sacra. Francisc. Zarrera de Nobil. Ital.*

51. *Ciacconius in Innoc. VIII. Panvinus, Moreri, & Sansovini. loc. laud.*

dia rerum omnium perturbatione quamplures Provincias ab hostium oppugnatione servavit incolumes. Ipse quoque effecit; ne Romana Sedes, o nova post conditum Ecclesiæ imperium sapientia, ac dexteritas! ne Romana inquam Sedes iterum in Gallias transmitteretur, & velut alter Romanæ olim Reipublicæ Africanus, Pater Patriæ post calamitosissimam apud Cannas Romanorum cladem, Patritiorum ordinem ab Italia egredi meditantem coercuit; sic plane Innocentius partium studiis disjunctis majorem Purpuratorum Patrum partem, quæ Placentiam eam ob causam convenerat, metu abjectam erexit, atque ab incepto consilio revocavit: sicque jucundissimam Ecclesiæ libertatem vindicavit. Sed quid? numquid gloriæ metam attigit Innocentius? nihil profecto minus. Dicam enim quod sentio, & quod mecum scriptorum monumenta incredibilis atque inauditi prodigii loco adscribendū fore intelligunt.

Nam,

( LV. )

Nam, quæ mali vis jam tunc Alexandro Duce in Hetruria regnante in venis, ac visceribus Principatus conclusa latuerat, cuique moderator Innocentius remedium adhibere cum maxime cuperet, haud facile potuerat, eadem Alexandro Duce intempestiva clade prærepto, acrius furere & conflagrare debuisset. Hæc, extremaque omnia protendebant atrocissima illa Italiæ tempora. Sed magnus ille, & a natura ipsa ad maxima quæque conformatus Innocentii animus, nec asperitatibus terreri, nec ulla utilitatis specie a recto avocari potuit. Licet enim magnus ille Principatus sponte oblatus Innocentio fuisset, omnia tamen sibi potius perferenda statuit, o inusitatam prorsus virtutis indolem, ac moderationem inauditam! quam quidquam committendum, quo delata sibi auctoritas vel minima ex parte violaretur.

O noctem illam memorabilem, & in fastis eximiae alicujus notæ adjectione  
signan-

( LVI. )

signandam ! quæ pulchriorem Italiæ partem a perpetua civilium bellorum formidine liberavit . Qua quidem nocte ipsa repudiatis ab Innocentio omnibus improborum consiliis , ac suasionibus , eadem animi magnitudine , & dexteritate compressis internecinæ dissensionis incendiis ; jus hæreditarium eorum Duci Cosmæ , Regiæque familiæ constabilivit .

Cum vero ei tantarum rerum curatio ac sollicitudo non casu accessisse , sed divinitus sibi delata videretur , solo virtutis præmio virtute ipsa fruebatur . Quamvis igitur Carolum V. Cæsarem potentissimum bis in paterna domo , ac Paulum III. Romanum Pontificem regio apparatu , qui numquam alias augustior visus est , excepisset ; ea tamen gloria contentus fuit , ne , sic exigentibus atrocibus Italiæ temporibus , augerentur onera publica , tributa nova imponerentur , crebriores delectus subditorum gravamine haberentur , aliaque dura , sed adversus bellorum ,  
pro-

( LVII. )

procellas opportuna , & necessario forsan  
subeunda , removerentur . Armentorum  
vero ubertas , frugum fertilitas , urbium  
pulchritudo , frequentia , firmitas , com-  
moditas portuum , commerciorum op-  
portunitas foveretur ; & quantum in his  
omnibus , quæ bellorum incendiis inte-  
rierant , ad gloriam , existimationem , or-  
natum , robur , tranquillitatem denique ,  
ac securitatem Romanæ Ecclesiæ situm  
est . <sup>12</sup>

Principem itaque LAURENTIUM I. Fe-  
rentii , aliarumque in Italia Civitatum  
dominii jure conspicuum reticeo , quam-  
vis publicas illas gaudiorum significatio-  
nes silentio præterire non possim , quas  
Romani ipsi Pontifices , cæterique Eu-  
ropæ

---

52. *Sanfovin. & Moreri . Clacconius . Scipio Ammirat.*  
*Pompon. Vizan. in bist. Bonon. Andreas Viffarel. ad Claccon.*  
*Rocchus Pyrrhus in not. Ecclef. Sicilien. Henricus Rex Angliæ*  
*de Urbis excid. in Epist. ad Innocen. data , & Gorus Gherius .*  
*Leo X. P. M. in Epist. ad Ferdinand. Hispan. Regem apud Bemb.*  
*Guicciardinus in bist. Ital. Petrus Aretinus in suis lite-*  
*ris , & concinne extollit Johan. Casanova in poemat.*

( LVIII. )

ropæ Principes post partas ubique belli victorias cum Mediolanensi Duce consanguineo suo publice quoque indixerunt.<sup>53</sup> Nec de Massiliensi Antistite Julio de Cybo verba facio, cujus memoriam nemo spoliandam ornamentis duxit, ejusdemque obitum decorandum monumento sempiterno Ecclesia, Patriaque sua dulcissima decrevit.<sup>54</sup>

Tacere vere minime possum Principem ALBERICUM I. lumen totius gentis tuæ celebratissimum; ubique enim fere gentium gloriam majorum suorum amplificaturus, tribus Europæ Hispaniarum, Galliarum, ac Poloniae Regibus nuptiarum jure Sanguinis vinculo conjunctus nullum fere est tam magnam, atque sublime dignitatum decus, quo mirabiliter functus non fuerit. Cum enim pacis constituendæ rationem, & belli gerendi potestatem solus ipse habere videretur, omni

---

53., & 54. Sansevin., & Moreri supra laudat. & Giacom. in Innocent. VIII.

( LIX. )

ni tempore ad gubernacula totius Italiae sedere promeruit. Populi omnes suam quodammodo fidem implorarunt, ac repetierunt eam, quam parentes sui pro Reipublicae salute sponponderant, dignitatem. Testis est Genua Patria sua aman- tissima, cujus auctoritate, ac potentia, honores, imperium, triumphos, tran- quillitatem, libertatem, aliaque praecla- ra Reipublicae insignia sibi conciliavit. Testis est iterum, ac saepius Italia, cui salus atque incolumitas ejus dexteritate missa fuit. Non exiguis quapropter ho- norum significationibus a Julio III., ac decem & tribus aliis Romanis Pontifici- bus, sex Galliarum Regibus, totidem- que Romanorum Imperatoribus, & tri- bus Hispaniarum Regibus affectus, qui- buscum assidue de summa rerum agere datum fuit, in eam celsissimam Se- dem dignitatis gentis suae ascendit. Cujus autem honos, ac nomen invete- raverat & cunctae Italiae, & hominum

( LX. )

famæ, ac sermonibus, potentia quoque, & dominatio percrebuit. Qui jam ex tota Europa delecti Principes secum de virtute, ac generis præstantia numquam contendere potuerunt, dignitate, atque honoribus superavit. Non modo enim summo imperio Principatus MASSÆ, & CARRARÆ in Lunegiana a Maximiliano Cæsare donatus, sed præter eas, quas Gens sua ubique fere Italiæ terras prius possederat, Ferentilli quoque eximio comitatu in Umbria, Cælandi, Fabriani, Vetrallæ Montis Jovis, Anguillaræ, & Fivizzani illustris, in Neapolitano autem Regno Principatibus Monopolis, Altiliæ, Soræ, Calium, Vesuvii, Nuceriæ, Minervini, opulentissimi Agelli in magna Græcia, aliorumque celeberrimorum locorum dominatione nomen suum genere, & vetustate clarissimum adeo amplificavit, ut quantum a majoribus suis gloriæ exceperit, tantundem ipse unus reddide-



diderit universis .<sup>55</sup>

Prætereundus quoque minime erit Princeps ALTERANUS I. belli pacisque artibus ad miraculum eruditus, <sup>56</sup> tutissimum vero, atque firmissimum Romanæ fidei sustentaculum Othomannorum audaciæ objectum. Quandoquidem collectis undequaque totius Orientis, atque Africæ viribus Turcarum potentia in Naupactium sinum trajecerat, nec regionibus modo, sed regnis etiam subactis Christianum ipsum nomen nullo fere negotio ad audenda omnia jam projecta barbaries corripere videbatur; cum auxiliariis Alteranus Europæ viribus terra, marique conquisitos hostes aggressus, non modo certamen commisit, sed in ipsum discrimen aciemque deduxit classem, infinitam hostium multitudinem perdidit; succenturiatos quoque, abdi-

---

55. *Late Sansovin., & Moreri prosequuntur omnia, & recentiores Italicarum rerum Scriptores.*

56. *Sansovin., & Moreri supra memorati.*

( LXII. )

abditosque ita lacesivit , disjecit , ut ab Italiæ finibus vel nomen ipsum barbarorum longius excesserit, eruperit .

Quid autem ego clarissimum Æsinum Antistitem LAURENTIUM de Cybo<sup>17</sup> commemorem? dignitatem, liberalitatem, moderationem in privatis rebus, splendorem in publicis, caritatem ardentissimam, abstinenciam admirabilem, Sanctitatem probatam? quæ ab incunabulis inchoata, usu vero, consuetudine perfecta, eam sibi venerationem revocarunt, ut nihil plane reliquum videatur, quam solemni quamprimum universalis Ecclesiæ iudicio confirmentur. Quoniam autem nemini umquam ignotæ anteacto seculo fuerunt eximiæ Majorum tuorum CAROLI I., ALBERICI II., nec non Principis CAROLI II. Parentis tui ornamenta meritorum, ea labens facile omitto.<sup>18</sup>

Jura vero sanguinis cum piissimo  
An-

---

57., & 58. Moreri in *Diction.*, & Thomas Baldassin. in *vita D. Laurentii de Cybo typis edita Romæ anno 1690.*

( LXIII. )

Angliæ Rege Jacobo III. aliisque sociata quis umquam præterierit? quis vero pro dignitate referat omnia, BAPTISTINAM de Cybo Ludovico Aragonio Ferdinandi Regis fratueli nuptam, aliasque fere innumeras ultro citroque cum magnis Hetruriæ Ducibus, cum Farnesianis, Malaspinis, Estensibus, Camerini, Urbini, ac Mirandulæ Ducibus, aliisque Italiæ Summis Principibus nuptiarum fœdere conjunctas? inferre oculos, & penitus introspicere in omnes Europæ Principatus necessum esset, nullum signum, nulla tabula vel picta invenietur antiquitus, quæ non plurimis, & pulcherrimis gentis tuæ insignibus ornata sit, ac referta. <sup>59</sup>

Excitetur tamen aliquando, & in rebus tum maximis, tum manifestis excitetur animus, & demirari numquam desinat amplissimum Cardinalem ALTERANUM, <sup>60</sup> cujus innocentia dignitatem,

ex

---

59. *Sansevin. Moreri, & Ciacconius in Innoc. VIII.*

60. *Disjuncte Moreri in Diction. loc. laud. & Ciacconius.*

( LXIV. )

ex dignitate honorem, ex honore imperium, ex imperio libertatem Romana Ecclesia sibi comparavit. Vos jam oro obtestorque Purpuratos Patres, vos exterorum Regum legatos imploro, qui propius eo tempore tantam sapientiam, dexteritatem mirati fuistis, quanta in omnibus rebus temperantia, quanta fide, quanta felicitate, quanto ingenio secretioribus Ecclesiastici Imperii negotiis ab Innocentio XI. Optimo sanctissimoque Pontifice præfectus, in quibus summa auctoritas, atque amplitudo esse debet, commissam adeo sibi gravem provinciam obiverit. Commemorasse satis erit, atrocibus dissidiis potentissimorum Principum Romanam Ecclesiam jamdiu conflictatam, ejus sapientia in tuto tranquillitatis portu collocatam; cum non fundamenta solum pacis jecerit, sed omnem etiam memoriam discordiarum, oblivione sempiterna delendam esse studuerit. Multa prætereo, eaque præclara;

( LXV. )

ra ; ad fingulare autem facinus immortalī memoria dignum , menti penitus commendandum , ac fedulo ab Eccleſiaſticis Principibus imitandum feſtinat oratio . Nempe non parvas errorum fibras longe jam lateque diſſeminatas ingemiſcens ALTERANUS , quæque ſenſim puritatem fidei appetentes , eminus jactis telis , irritoque licet cadentibus eam confodere , ſi tantum iniquitas poſſet , per ſummum ſcelus audaciſſime moliebantur : ſuis autem curis , & vigilantia proſcriptas , eradicatas , diſperſas fuiſſe , ſingulare pignus ſui amoris Chriſtianæ Reipublicæ dedit .

Quorſum igitur tanta , tamque ampla Majorum tuorum gloriæ ubertas in medium prolata ? Num hæc omnia ſatis ad Regiæ Gentis tuæ inſigne prodendum ? Nihil proſecto minus . Imo non video quid ſatis eſſe poſſit . Cum nullus tam inacceſſus , atque ab hominum confortio remotus in terris locus exiſtat ,

( LXVI. )

nulla natio hominum tam immanis & barbara, quam non jam pridem celsissimum de Cybo nomen, non modo virtute ac splendore, verum etiam admiratione compleverit. Quamobrem licet innumera, maximaque alia, quæ belli pacisque artibus non in Italia solum, ac Europa, sed in orbe ipso omnium terrarum patrata conspiciuntur, bonorum insignia dicenda forent, ut nullus sane esset dicendi finis, ad Te libentius, Princeps omnium Majorum tuorum præstantissime, deveniam, uberiores equidem virtutibus tuis cumulum ad avitam eorum gloriam additurum. Quippe ea tam egregia majorum tuorum monumenta posteris facile oneratura videbantur, illa tamen extitit apud Te magnitudo animi, ut avorum ornamentis minime acquiescens, eorum augere nomen, & ad feroces usque nepotes cumulatus transmittere curaveris.

Quod quidem, ut primum ex pueris

( LXVII. )

ris excessisti, ac dextero postmodum, omine adolescentiam auspicatus, celeberrimum Romæ collegium a Clemente VIII. erectum, cui modo digne præes, literarum studiis excolendus ingressus, tam mirabiliter præstitisti, ut ex eo adhuc tempore eandem prorsus mentis celsitatem præstetuleris, & debitam fastigio nobilitatis tuæ admirationem elicueris.

Sicque, ut in herbefcente segetum viriditate certa prope spes futuræ messis apparet. Ita Tullium Romanæ eloquentiæ parentem ferunt, adhuc puerum, gymnasium adeuntem ob excellentiam ingenii sodalium comitantium frequentia solitum coli, puerorumque stipatum obsequiosa turba deduci, reduciq; domum, quod animo prælagirent, talem postea futurum, qualem nunc quoque summa animi alacritate admiramur.

Nobilissimi quoque pueri Scipionis, cum adhuc prætextam ferret, animosus; ac præsens intercurfus, unde occisus Pœ

( LXVIII. )

nus, servatusque Pater in illo cum Annibale ad Ticinum prælio, nonnisi grave, evidensque signum apud plurimos, sapientesque viros reputatum fuit, ut Annibale tandem ex Italia expulso, ex Africa ejecto, Carthagine oppressa a Scipione, res publica maximis periculis liberaretur. Sic porro in adolescentis ætatis tuæ primordiis ex fulgore indolis, quæ, ut Plato differebat, optimum a diis donum est, imo nihil majus, jam vel longe cuncti prospexerunt, quæ virtutis maturitas, & quantæ fruges industriæ futuræ in proximos annos. Est certe enim aliqua vis originis, & sanguinis, in eisque plerumque, quos majorum suorum perpetuo exemplo virtus transmissa hæreditaria veluti face ad gloriam inflammavit, sapientia non expectat annos, gloriæque semina in eorum animis & firmiores radices agunt, & velocius adulescunt.

Hinc namque vivendi cursum ita  
insti-



( LXIX. )

instituísti , animumque tum pietatis , cum virtutis studio ita efformasti , ut quamvis longe pulcherrima , honestissimaque , quæ ad nobilitatis excolendæ politio rem usum pertinent , cognitione compleres , numquam tamen sensus pellegerunt , ut iis abusus umquam esses , ad libidines explendas , ad alienam libertatem opprimendam , ad circumveniendos alios , ad perturbandam Rempublicam .

Quis autem exploratum non habet ? & quis non fuit admiratus toto adolescentiæ tuæ tempore , quantum cæteris ad res suas obeundas , quantum ad festos dies celebrandos , quantum ad alias voluptates , ad ipsam requiem animi , & corporis concessum temporis , quantumve in tempestivis conviviiis , quantum denique ludis , ac reliquis juventutis oblectamentis tributum , tantum Tibimet ad studia recolenda sumfisti ? Te Roma , te , inquam , appello , clarissimi Principis CAMILLI de Cybo a teneris annis admi-

( LXX. )

miratrix eximia, vestram fidem Romani omnes, quorum ante oculos innocentioris ejusdem vitæ institutio, morum, suavitas, ac candidiores animi sensus hodie quoque obversantur; quæ nam cum in tanta variarum gentium luce ac frequentia, quæ in tanta rei familiaris copia, atque tam ampla celsissimæ domus fortuna laxioris vitæ exempla, non semel obvia, aut voluptatum lenocinia transversum umquam egerunt, ejusque vel pietatem minuerunt, vel honestatem labefactarunt, ut nec integer, nec purus, ac divina prorsus mente ad Rempublicam capeffendam evocaretur?

Cum sacris igitur literis, quas nunquam esse dimittendas recte existimasti, quasque concinne, eruditione variâ, & sententiarum acumine refertas variis lucubrationibus tuis, typis quoque editis tractasti, eas disciplinas conjunxisti, quibus homines maximarum rerum ponderibus destinati, ad humanitatem informan-

( LXXI. )

mantur. Ad virtutis, atque honestarum artium eruditionem, ad vitæ civilis, rectæque moralis disciplinæ usum ac rationes, ad capeffendam Rempublicam, ad honorem, gloriam, dignitatem erudiuntur. Quibus potissimum legum incitamenti sanctitas morum, firma consuetudo induceretur, quæ rerum publicarum artes, & differentiæ forent, quibus legibus nobilissimi quique populi publice privatimque sint usi, qua prudentia pacem stabiliverint, qua industria bella propulsaverint, aut confecerint, qua ratione Princeps locus iuste, nobilitas modeste, vulgus temperanter habeatur, Quæ quidem omnia diligenti animadversione eorum, quæ perpetuo eveniunt, conjungens, maximam in ea lucubratione, summoque Principe dignam, negotiorum, personarumque varietatem, multarum rerum novitatem deprehendisti; crebraque in utramque partem fortunæ seu vacillantis exempla, consiliaque admirabilia,

( LXXII. )

lia, & consiliorum inopinatos eventus, gravesque pro tempore sententias, & plenam ubique dignitatis, plenam suavitatis commentationem: copiosam vero quandam ad instituendos mores suppellectilem, & seu speculum humanitatis, in quod inspicere omnis vita, unde ea capere, atque haurire documenta queat, per quæ vel publicis, vel privatis rationibus consulatur. Quæ sane tuæ fuerunt partes studiorum, ingenii aciem ad bona deligenda, reiicienda contraria, quæ virtus ex providendo, Tullio auctore, est appellata providentia, direxerunt.

Vix autem e collegio egressus, statim Theologicæ facultatis quæstiones omnes Purpuratorum Patrum collegio, cæterisque literatissimis viris inspectantibus publice propugnandas suscepisti, triduo copia omnibus facta in Æde S. Mariæ supra Minervam, ex tempore difficultates excitandi; quod tanta facilitate, ingenio,

ac

( LXXIII. )

ac felicitate a Te actum fuit, ut singularis prorsus, cumulataque virtutis faceret fidem. Et quoniam tale de Te specimen dabas, in eamque spem omnes adducebas, fama compulsus Clemens XI. Pontifex post conditum Ecclesiæ imperium facile Princeps, recte iudicavit, jam tibi esse ex domestico illo, & velut umbratili vivendi genere in solem ipsum, ac pulverem pro Ecclesia descendendum. Sensitque, tempus jam esse, ut præclara illa virtutum omnium seminaquæ diligentissime in juris potissimum publici exercitatione subactus, colueras, foveras, palam tandem prodirent, fructusque ea jamdiu expectatione dignos Christianæ Reipublicæ afferrent.

Præsidem itaque, ut ajunt, Cameræ Apostolicæ designavit Pontifex sapientissimus, custodemque esse voluit publicæ, privataque utilitatis. Romano enim præ cæteris Tabulario dirigundo, perficiendoque præfectus, quod sæ-

K

pe

( LXXIV. )

pe bellorum incendiis interiisse, frequenter vero tabulariorum custodia commissum suamet ipsorum rei maximæ incuria, quandoque fraude defecisse constabat, adeo tua diligentia in ordinem redactum, ut officio, quod totum debueras, atque erroribus, si quod prius ignoratum fuerat, plus satis satisfeceris. Quid deinde Princeps sapientissime? quo progreditur in Republica natus, semperque versatus animus tuus? omnes enim regias illas virtutes, quas nemo ignorare potest, præcipue singularis, & admiranda in publicis rebus transigendis dexteritas ita superavit, ut cum non multo post Romæ ubertati fovendæ servandæque præfectus esses, admirationes prorsus inauditas neque oblivisci possimus, neque tacere debeamus. Non indulgebo amoris meo, non ornatissimorum virorum iudicio blandiar, prospecta cunctis, & testata loquar. Quid enim Te numeris omnibus absolutius? quis Te eo in munere gerendo diligenter

( LXXV. )

gentior, quis majori dexteritate ornatior?  
ut nemini invisus, tibi tantum gravis,  
numquam ad Te non facilis humilium  
etiam hominum accessus, neminem non  
compotem voti sui, auctoritatisque effi-  
ceres. Nullum tibi supercilium, num-  
quam compositus ad severitatem, nisi  
cum scelestibus vultus, eadem semper oris  
facilitas, multus & comis sermo, nullum  
à laboribus, quibus maximis implicaba-  
ris, otium; incorrupta vero illa affectio  
suum cuique tribuendi, munifice, & æque  
tuita vim illam, potestatemque justitiæ.  
Adeo certe nihil magis in votis habuisti,  
quam per certissima amoris, fortitudinis,  
magnanimitatis, ac justitiæ argumenta to-  
tum Te Reipublicæ oppignorare. Quæ  
enim vel aspera, vel injucunda in regimi-  
ne publico occurrere solent, vel dulcissima  
morum suavitate leniebas, vel miræ, quæ  
in Te enituit, eloquentiæ viribus demul-  
cebas. Cum vero res olearia præterito-  
rum annorum fama acerbissima ubique

quæreretur ; partim enim in alienas terras propter venditorum quæstus missa, partim custodiis suis clausa fœneratorum sorde retenta , ut annona quoque universa flagellaretur , inopia erat Romæ, non in opinione dubia , sed quasi ante oculos proposito periculo versabatur : eaque magis magisque ingravescente , ut jam plane inopia , non caritas timeretur , concursus est factus ad dexteritatem tuam , tantaque statim ubertas Romæ accessit , ut jam homines non magis antea caritatem timuerint , quam ubique redundantem copiam neglexerint .

Quod cum Sapientissimi Principis integritatem maximis quibuscumque rebus sibi proposuisset Pontifex oculatissimus , vix dum jucunde eo in munere Roma gustaverat , ad Auditoris Cameræ provinciam adscivit . Porro illud tam laboriosum munus aggressus , quamquam virtutum omnium scientiam haberes , & usum , exemplis tamen tuis , & nova emendan-



( LXXVII. )

dandi arte depravatos Tribunalium mores, ut ne latum quidem unquam à recto justitiæ tramite discederent, ad trutinam revocasti, & certos iis fines terminosque constituisti; extra quos egredi non possent, maxime si vellent. Eaque existimatione Te numquam revocarunt, quum nulla umquam potentium vi extra hos veluti veritatis & justitiæ cancellos egredi conatus sis, quos tibi ipse circumdediti: quasi annosam ilicem moti turbines, & procellæ concutiant, nullus tamen actis profundius radicibus solo firmiter hærentem impetus ingruentis evellit tempestatis. Qui hoc intelligi potest?

Magna hæc, sed ad majora properat oratio. Si vel unum inspiciamus, rationem nimirum, quam in habendis publicis judiciorum conventibus, tenuisti, compertissimum est, Te minime, è profanis, aut Poetis fabulas inanes, aut Oratoribus flosculos, & pigmenta, aut jurisconsultis futiles sententias collegisse, ut in publicos hu-

( LXXVIII. )

hujusmodi cætus , in quibus de summa quandoque Ecclesiæ agebatur, quasi in scenam prodires , minime persuaderes , sed potius oblectares , ut rerum soliditate neglecta ad inanem verborum strepitum, concipiendum convertereris , sicque adseffores prudentissimi ab illis abscederent vento quodam dumtaxat turgidorum verborum inflati: Nihil plane minus .

Eo enim cultu , ac severitate studiorum institutus, postquam omnes ad unum latinæ , græcæque linguæ Scriptores diligenter pervolutasti , sedulo undequaque collegisti , quibus tibi jurisprudentia instructior , atque ornatior fieri posse videtur . Eoque omnium temporum labores confluxere ad eam nimirum expoliendam; Sacrosque canones perlustrandos. Qua quidem recte vivendi, aliisque imperandi doctrina subactus , ne Temet amariiores aliæ disciplinæ usu quodammodo suum facerent , multa sæpenumero veluti usucapionis interrumpendæ causa tecum ipse agi-

ta-

( LXXIX. )

tabas , quibus comparator in ea tam multa juris vastitate, ac in judiciis ferendis habereris . Hinc voti compos effectus es, moribus enim non exemplaritate modo, quam legum etiam disciplina, ac cultura efformatis eam tibi partam juris intelligentiam assiduo tractandorum judiciorum usu ita perfecisti, ac perpoliisti, ut brevi tempore Principem inter Jurisconsultos locum obtinueris: Cum eos quidem, qui in libris consenuerant, seque uni cognitioni dederant, usu, & exercitatione rerum forensium; eos autem, qui se magis ad forensem strepitum applicuerant, eruditionis copia e purioribus arcessita fontibus, utrosque certe utraque laude superares .

Quid igitur de justitiæ integritate dicemus? qua enim ratione fieri potest, ut ut immensa prope negotiorum ab Ecclesia moles demandata tibi, tam varias nationes, populosque complexa, tanta firmitate cohæreret, nec non ubique jucunda, & prædicata esset, nisi e pari etiam legum custod-

( LXXX. )

studia , integerrimæquæ justitiæ studio emanasset ? Quis enim umquam vidit, & quis audivit, sensitue tanto temporis tractu , qui omnigenos animorum motus Romæ innumeris causis excivisti, quidquam a Te contra jus, fasquæ commissum, decretum, denique cogitatum ? Adeste vos jam Quirites, populi que omnes, qui CAMILLI Principis de Cybo judicio sistere coacti estis, cujus ne aut familia sævitie forsant tanti Judicis, aut existimatio contumelia, aut res cupiditate imminuta est ? aut innocentia vindicata ? Imo vero, quem ipse miserrimum de suo quandoque, quem judicio non potuit, non juvit, ornavit, auxit ? quot vero diffidentes exitu judiciorum, & ad ultimam ægestatem redactos potentium vi, ac pene desperatos, justitiæ sublevamine erexit, confirmavit ? Quis vero clarioribus viris amabilior ? quis autem alioquin, si opus esset, versare melius suam naturam valuit, atque huc, & illuc torquere, cum flagitiosis severe, cum remissis

( LXXXI. )

missis placide , cum sapientibus graviter , cum juventute comiter ? quo quisque facilius sanctarum legum vinculo contineretur , omnesque exemplo suo excitati , ac disciplina compositi , non minus ferverent , atque æstuant o miram plane virtutis tuæ potestatem ! æmulatione doctrinæ , quam splenderent , atque emerent innocentia judiciorum .

Quibus profecto , tantisque pro Apostolica Sede exanthlatis laboribus , quæ omnium animos virtus inaudita perstrinxerat , atque uberioribus gloriæ incrementis ubique gliscebant , justissimum quoque , sapientissimumque P. M. Benedicti XIII. animum sollicitavit , ut Te Sacri Palatii Præfectum designatum eademmet non mediocris animi constantia inflammaret , ad Apostolicæ Sedis jura facta tecta luculentius servanda . Interea non omisisti , aut distulisti umquam , aut ad alios delegasti , quæ non animi solum imperio , sed corporis etiam ministerio indigerent . Ut , pri-

L mum

( LXXXII. )

num enim Romæ partium studiis ubique conflatis, quæ inveteratam Præfecti Sacri Palatii in judiciis ferendis facultatem depugnare moliebantur, hominibus summa cæteroqui auctoritate præditis resisteres quã fortissime, incredibile plane dictu est, qua nova, atque inusitata sapientiæ indole, proprio Marte exaratis scripturis, puriores, penitioresque, & ab ipsis romanæ jurisprudentiæ architectis numquam delibatos juris publici, privati que fontes attigeris, objeceris, ad eam debitam fastigio tui muneris dignitatem vindicandam. Tantu enim honos, cætera que ornamenta, quæ postmodum tibi contigerunt, cum non ad alienæ petitionis occasionem interceptus, non aulicis artibus paratus, non diuturnis precibus efflagitatus, sed dignitate metipsa Tui, ac sapientia impetratus esset, quod quidem amplissimum, imo nihil hoc ornatius, ac magnificentius esse potest, quamvis propositus, atque editus in altum, ut ab omnibus procellarum ventis cir-

( LXXXIII. )

circumflari posset, virtutis tamen tuæ constantia ita septus fuisti, ut omnium existimationi plene satisfeceris. Quippe Te in genuina Apostolorum palæstra editum, atque eruditum virtus fortitudine illa armavit, quam stoicorum superba æque, ac stulta jactantia disciplinæ affeculis buccis inflatis pollicebatur, ut Te maxima quæque tempestatum vis moveret, nulla turbaret, acerrima quæque tela pungerent, nulla ferirent; fluctusque ingruentes summa non tangerent, infima vero sic concuterent, ut ipsi potius frangerentur.

Sed pro hominum fidem! quid ego hic in medium profero? in quo orationis meæ habenas sensim laxari patiar? quid est, quod ego dicendo, aut cogitando efficere, aut assequi debeam? De pietate tua loqui adactus, de ea loquar, in qua eminere cæteris, ac præire universis non mediocri alacritate admiramur. Sed quo me vertam? unde initium sumam? Tot obversantur animo pietatis prodigia, ut cum

( LXXXIV. )

omnia una complecti oratione nequeam ,  
quid referendum sit , quid omittendum ,  
penitus ignorem . Nemo est enim Roma  
tota , qui eam non spectaverit , nemo in  
orbe terrarum omnium , in quem ejusdem  
fama longe lateque fusa non penetraverit .  
Nimirum huc spectabant divinorum con-  
silioꝝ tramites , quibus in palæstra scien-  
tiarum assidue exercitum subactumque ,  
inauditis propemodum sollicitudinum  
contentionibus Ecclesiastica pietas undi-  
que comparaverat . Nempe , ut ad vitam il-  
lam adeo næ ineundam Te institueres ,  
quam triverunt olim Ecclesiæ Patres , fi-  
deiique assertores præsentissimi , qui omni-  
um gentium literis , ac studiis instructi  
ad Ecclesiam illustrandam , proferendam-  
que curas , & conatus Deo duce , & auspi-  
ce feliciter contulerunt .

Quamobrem , si animis revocemus ,  
hique potissimum , quibus paulo familia-  
rius Tecum agere datum est , tuum ad om-  
nia pietatis opera flagrans studium , explo-  
ra-



( LXXXV. )

ratam quoque habebimus sollicitam illam  
Christianæ institutionis curam, auctas do-  
nis , ac religiosiori cultu ubique divorum  
aras , & templa , effusam in egenos mise-  
rosque benignitatem , Virgines, si quas  
audisses , vitæ necessitatibus pudoris di-  
spendio consulturas , honesto nuptui col-  
locatas, ingenuas familias, quas egestas,  
ac peior egestate calamitas verecundia op-  
presserat, tacitis erogationibus sublevatas,  
lacunasque ipsas quandoque rei familiaris  
expletas; domesticos ipsos, vel humili loco  
positos, o admirandam sane pietatem,  
tuam, priscis ipsis Ecclesiæ seculis frequen-  
tatam ! cum gravi morbo conflictarentur,  
opibus, consilio, suavique vultus hila-  
ritate recreatos, & in spem salutis erectos.  
Sed quæ pietas, quæ potest esse major pie-  
tas? reliqua omnibus perspecta taceam, ut  
Tibi met, eaque nobilitate insigni severio-  
res quotidie jejuniorum leges imposueris,  
nec affecta quidem valetudine solutas?  
Qui igitur fieri potest, ut singulare pieta-  
tis

( LXXXVI. )

tis genus non prædicemus, qui totas illas integerrimæ religionis rationes, a qua cæteræ omnes virtutes excellentem quandam speciem sumere coguntur, quæque una omnes excipit. complectitur, ac fovet, ita profiteris, tanta animi contentione amplificare publice conaris, ut in tuamet tutela & custodia a Deo D. M. collocatæ esse videantur.

Itaque ille quidem Christianæ Reipublicæ salubris, semperque omnibus jucundus conspectus tuus, eo tamen tempore, quo eximia Benedicti XIII. sapientia Summi Senatus Collegio adoptatus es, longe & gratissimus, & saluberrimus affulfit. Hinc vicinorum quantum studium, quam incredibilis benevolentia, quanta cura fuit; nec minus exteri contulerunt; non enim illi in libellis laudationum munera miserunt, sed homines honestissimos huc frequentes adesse, & Te præsentis laudare voluerunt.

Dum igitur purpurei galeri insignia  
su-

( LXXXVII. )

fufcepturus, folem nibus cæremoniis in publicum egressus, incredibile dictu est, quo jus majestatis, ad quam natus es, proferre visus fueris; non quod quidquam incrementi eâ celebritate mutuaverit, sed quantum potius ejusdem dignitatis fastigium reputari, quanta esse debeat veneratio, veterum gravitate rituum, solemnibusque priscis illis Ecclesiæ luminibus, apprime omnibus Ecclesiasticæ Hierarchiæ ordinibus declaraveris. Aspicere adhuc videor gestientem ubique, & concursantem in plateis, ac lætitiæ suæ impotentem civium multitudinem, plebemque ipsam vix gaudium capientem animis: Non senes gravitas, non matronas pudor, non pueros infirmitas ab officio retardavit. Confluunt in Vaticani vestibula sexus, ætasque omnis, omnis illuc ordo properat. Prose quique primi haurire oculis aspectum tuum festinant, exultant, vociferantur, manus ad cælum tendunt, propiciam tibi Deum, prospera, secundaque omnia comprecantur.

( LXXXVIII. )

tur . Non sub galeri pondere anhelantem , non insolito fulgore caligantem , non solito forsitan majorem speciem , majestatemque excipientes omnes , eisdem profecto portis incredibiles gratulationum significationes effuderunt , quas toties Majorum tuorum ingressus triumphis onustas reddiderunt .

Purpurati vero Patres exceperunt Te in ornatum illud , magnificumque subsellium , quod olim celsissimi Nominis tui virtute , auctoritateque sapius a barbarorum injuriis vindicatū fuit , sepius vero , iterumque excitatum , atque illustratum . Atria ipsa , ac augustiora cubicula referre videbantur communibus tecum honoribus , & diuturnis gloriæ insignibus extructa , Summorum Ecclesiæ Pontificum BONIFACII IX. ac INNOCENTII VIII. majorum tuorum , plaususque redolere , neque mutis imaginibus distincta , atque ornata , sed egregiorum factorum coronis frequentata : ut jam minime vereamur , ne parvum illa in-  
usum

( LXXXIX. )

usum parata sint, sed e vehementi Ecclesiæ ipsius studio gratique animi memoria expressa ad ultimam usque posteritatem perseveratura esse videantur. Quo quidem tam multo, magnoque comitatu Majorum tuorum gloriæ ad hanc dignitatem, exceptus, pari studio virtutem, ac nobilitatem suam eisdem reddidisti. Ex assiduis enim illis, quotidianisque laboribus, quibus ad egregiam pro Christiana Republica operam præstandam in maxima quaque rerum fortuna excitabantur, nimio sane opere excitus atque subactus, nihil adhuc præstabilius habes exercita vita, ac conferta laboribus. Quod unius fuit proprium gentis tuæ subire pro Republica pericula, vulnera excipere, mortemque ipsam optetere, nescio quomodo, dum hæc memoria repetis, aut legis, studio quoque quotidie incenderis, dignitatibus esse serviendum, Christianæ Reipublicæ consulendum, æqui bonique rationem, non commodi esse ducendam.

M

Ma.

( XC. )

Maximis proinde negotiorum ponderibus assidue adscitus, pari dignitate ornatissimos viros laudatores semper habuisti. Ipsius quoque Pontificis O.M. CLEMENTIS XII. incredibili sapientia, ac felicitate in præsentia universalem Ecclesiam administrantis non absimile studium, & testimonium expertus es, qui peculiari quadam ratione virtutum tuarum, Majorumque tuorum gloriam callens, publicis quoque honorificentiae signis, ac muneribus decorandam esse judicavit.

Augustissimi vero, felicissimique Cæsaris Caroli VI. erga Te non mediocria honorum argumenta omittere non debemus, cujus sub æterno, potentissimoque præsidio ac clientela Domus tua celsissima semper haberi promeruit.

Si alacritas igitur illa omnium, quam opinione virtutis tuæ incredibilem, admiratione gestorum tuorum ubique auctam, memoria vero majorum tuorum jucundissimam novimus, adeo in omnibus confir-

ma-

( XCI. )

mata est , ut neque oratione complecti , ac ne mente quidem compræhendi possit , parcendum procul dubio , Princeps humanissime , oratoris infantia , cum tantæ magnitudini , ac dignitati explicandæ idonea dicendi ratio defuisse videatur . Quæ omnia cum ita sint , juvit saltem ex immenso hoc veluti oceano delibasse præcipua , quo iterum , ac sæpius , iterumque irrigari quodammodo aures , animosque omnium solita voluptate videamus .

Cui quidem lætitiæ , voluptatique communi ultimus quasi cumulus tum demum accesserit , cum in Maximi Sacerdotii culmine Te collocato , quo plane mirificus virtutum splendor , præstantia tuæ gentis cellissimæ , ac meritorum copia inaudita evocat , universalis Ecclesiæ negociis transigendis , disciplinæque curandæ mentem tuam sapientissimam Deus Optimus Maximus admovebit . Tum profecto gratulabunda Italia suos cum Europa , Asia , Africaque , nec non penitissimis Orientis ,  
igno-

( XCII. )

ignòtique orbis populis plausus luculentius, ac pulchrius confundet ; acclamationesque una miscebunt populi omnes, qui vel sapientiæ tuæ fructus experti sunt olim, vel facinorum intellexere splendorem, vel Gentis tuæ insignia adhuc extantia venerantur . In tanta autem celebritate famæ, & tam varia linguarum diversitate eadem semper, & mens una videbitur, cum Te ornamentum Familiæ tuæ, column Christianæ Reipublicæ prædicabunt, longissima quoque annorum serie, imperiique prosperitate dignissimum declarabunt .

**F I N I S .**







168.  
28.



